

ICFAI University convocation neih a ni

ICFAI University, Mizoram chuan nimir khan an campus, Durtlang North-ah convocation vawi hnihna an hmang a, Governor, Vakkom Purusothaman-a'n a hmanpui.

Governor chuan, mihring nun chu eng lai pawha thil zir tur, thawk chhuak tur leh hma lam pana kal zel tur a nih thu sawiin, "Zirlaite chu an nun kal zel turah sumdawna a ni emaw, sorkar hna, zirtir hna, politics emaw, thil siam lamah pawh ni se, an tum ber tur chu chhungkua, khawtlang, ram leh hnam tana mi chhenfakawm nih tum a ni," a ti a; Mizoram chu state ralnuang leh zalen a nih avangin, kawng tam takah remchanna tha a awm bik thu

leh chu chu hman thiam a pawimawh thu a sawi.

Larsap chuan, Mizoram inthlan turah thalaite chu an dikna leh chanvo hre tur leh, ram kal siamna kawnga an vote pawimawhna hria a, rilru leh tih tak zeta an mi duh thlang turin a chah a ni.

Convocation hi vice chancellor, JP Ramappa-in a kaihruai a; ICFAI Unniversity atanga kum 2013-a zir zo mi 82 hnenah degree certificate hlan a ni a, zirlai ti tha bikte hnenah medal hlan a ni bawh.



Mizoram Legislative Assembly-in kum 2006-ah ICFAI University Act a pass hnuah Mizoramah ICFAI University din a ni a, tunah

hian Durtlang North-a anmahni hmunah an awm mek. ICFAI University, Mizoramah hian MBA, BBA, BCA leh BHTM-te a zir theih a ni.

MSU-in gene

Mizo Students Union (MSU) chuan November 6-8 chhung khan North Vanlaiphai community hall-ah General Conference vawi 12-na an hmang a, palai 1,400 vel an kal. Conference-ah hian MSU hruaitute bakah, mi hrang hrangin thu an sawi a; nimir khan ruai nen conference hi an hmang zo a ni.

MSU conference-ah hian Ningani khan N Vanlaiphai V/C Information Centre-ah rorel inkhawm neih a ni. MBSE buatsaih zirlaibua Mizo history inziak siam-

Lunglei district